



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Ab Habsbvirgii Castri Dominatu, Habsburgios Austrios non recte probari. §.
v.

urn:nbn:de:hbz:466:1-38372

AB HABSBURGII CASTRI DOMI-
nato, Habsburgios Austrios non
recte probari.

§. V.

REMOTA igitur Lazij opinione priua-
ta, & aliorum quæ nobis obstabant, de
primo stirpis Habsburgicæ conditore,
recta iam hinc procedere poteramus ad
pertexendam lineam nostram de origine
gentis Austriacæ, ex Anicia Perleonia Habsburgica:
sed cum animaduertamus communem illam de castro A-
uendo opinionem, si non ad originem integram, sal-
tem ad incrementum gentis Habsburgicæ, longè plus ha-
bere momenti apud Eysingerum, & alios auctores, quam
illam priuatam Lazij, operapretium mihi facturum vi-
deor, si discussis nebulis, ex historicorum scriptis hic ali-
quid lucis infundam, cum omnium intersit, errore dete-
cto, conspiciendam dari veritatem. Variam olim fuisse
apud Geographos, vocis Assiburgij usurpationem con-
stat. Corruptè siquidem idiomate Germanico, Asburg,
Ausburg, Habsburg, & Habisburg effertur, quæ no-
mina multiplicem habent significationem. Asburg enim
Assiburgium est Germaniæ oppidum Rheno proximum,
ac cis eum inter Geldubam, & vetera castra situm,
Nussia, Cliensique Ducatui finitimum, quod Ger-
manicè Asburgum nominatur. Ausburg, Latinè Au-
gusta, prioris Rhetici ciuitas, totius Imperij Germani-

e 2 ci

ci potissima, nobilitate, antiquitate, ac diuitijs nulli
secunda. Hasburg, Latine Hasburgium, castrum est
Heluetiorum non longè à Rinchfeld constructum, iux-
ta quod Albertus Romanorum Rex quondam sepultus
fuit. Non procul etiam à Bruch distat, idque à Ra-
patone Comite conditum fuisse fertur. Alij dicunt il-
lud esse quod nunc Auenburgum dicitur, edificatum à
Comitibus montis Auentini Romanis Perleombus, quasi
diceres Auentini burgum, siue oppidum, unde Archi-
ducum Austriae clarissima Familia suam cepit origi-
nem. Habisburg vero, Latine Auendum castrum,
est hodie in Vosagis Lotharingiae montibus, quod Ro-
maricum montem appellamus; & vulgari Germanica
lingua Auendperg, corruptè vero Absburg pronuncia-
tur. Et in his tota disputationis nostrae summa consi-
stit, à quo videlicet horum, clarissimum Habsburgio-
rum nomen deriuarit. Ab Assiburgio, & Absburgo
non deriuare clarum est. Ab Hasburgo vero siue A-
uenburgo sic, non solum Itali, sed & Germanorum
multi graues & insignes historici testantur. Obstant
tamen Eysingerus, & sequaces, qui illos ab Habis-
burg, siue Auendi Romarici montis castro, sic cogno-
minatos volunt. His ego, & mihi simul satisfacisse
arbitror, si unica Francisci Rosierij Viri Galli, &
ab omni passione alieni, auctoritate eos longè à via
recta aberrare demonstrauero; sic enim inquit tomo
quinto Stemmaturum Ducum Lotharingiae, historia capi-
tali septuagesimanona.

Nec

Nec certè hic subticere possum, & Austriae & Belgaurum Historicos longè hallucinatos esse, cum Habsburgensium Comitum primariam referunt originem ad nonnullos Austrasiae Reges, illoqsue prædicant Auendi castrum in Vosagis montibus occupasse, haud procul à Mosellæ fluminis continenti, qui locus hodie Romarici mons vocatur. Etenim multi assentationis potius, quam veritatis imaginè ducti, ex Theodeberti Austrasiae Regis coniugio Sigebertum, seu Sigisbertum, manasse scribunt, atque ex hoc cæteros Austriae Duces: Imo Theodebertum & Siguberrum Auendi castrum in bonis habuisse. Quantum ad primum attinet, certum est ex Annalibus Theodebertum Austrasiae Regem Brunehildis consilio Theodoricis fratris manu nefaria perijisse iuxta Leucos, tandemq; ipsum Theodoricum victorem Theodeberti liberos extinxisse, quamuis plerique Sigubertum euasisse scribant. Quod an verum sit, alij iudicent. Quod si etiam veritate subnitatur, hoc vnum tamen falsum est, Theodebertum, eiusque filium Sigubertum Auendi castrum, & Comitatum obtinuisse. Nam ex historijs claret Theodoricum præmissum, Theodeberto, liberisque occisis, recta Metim profectum fuisse, ibique Romulphum Romarici Auendi Comitum patrem interfecisse, bonaque fisco applicuisse. Hic quoq; Romulindam habebat matrem, cuius non fit alia

mentio apud Chronographos. Non igitur Theodebertus & Sigubertus, iam interempti, Auendi Comites extiterunt. Quinimo Theodorico caeso, Aridij Episcopi tum cuncta tum etiam gliscete morbo, Brunehildis Romarico inique bona rapta restituit. Vno igitur, eodemque tempore, non fuerunt Auendi Comites Theodebertus, Sigubertus, Theodoricus, Romulphus, & Romaricus: Siquidem erant coetanei, vt ex datis Aultrafia Regum superius descriptorum, ac sequenti diploma videte est, cuius tenorem subiicio. *In nomine Patris, & Filij, & Spiritus Sancti. Amen.* Quoniam mundus in maligno positus legitimas fidelium donationes impie conatur infringere, idcirco ratio postulat, ut ea, quae pro augmento Ecclesiarum donata sunt, nos quoque rationabiliter confirmare curemus. Nouerit igitur omnium Catholicorum tam praesentium, quam futurorum vniuersitas, Quod ego Romaricus Auendi Comes videns viros virtutis voluntaria paupertate, pauperis IESU stigmata in suis corporibus circumferre, *Et cetera quae sequuntur ibidem.* Et infra: Factum est hoc donum viij. Non Martij anno ab incarnatione Domini 620. Clothario glorioso Francorum Rege regnante. *Hac Roserius, cuius testimonium adeo clarum est, & perspicuum, vt nullus amplius minus verum esse putare debet, quod supra diximus de castro Habsbur-*

go, quod non modo Albertus Argentinensis, & Volaterranus, sed & alij complures asserunt. Nec obstat quod Eysingerus dicat mentionem de castro Habsburgo fieri à Gaguino in Vita Ludouici Pij Imp. cum de hoc nulla sit inter nos controuersia: Non enim dicimus Auentum castrum, quod erat in monte Romarico, à quibusdam Historicis Habsburgum non nominari, sed tantummodo Comites Habsburgenses, unde Austriaci Principes, illud non habitasse: neque cognomen Habsburgij ab illo accepisse, sed ab alio quod erat in Ergouia, iuxta Lucerne lacum, à Perleombus Romanis, aut de nouo fabricatum, vel certè in eodem loco ubi fuerat illud Rapatonis reedificatum, & ob memoriam tum primi nominis, tum etiam Auentini montis, Auentburgum appellatum, quod postea, uti usu caenire soler, ex corrupto loquendi more in Habsburgum transmutatum, clarissima Familia nomen reliquit.

HABSBURGIOS AVSTRIOS

ex Historicorum testimonijs à Perleombus

Anicijs Romanis originem ducere.

S. VI.



Demonstratis de familia Habsburgica, qui haetenus pro veris reputati sunt, erroribus, & illustratis ad hunc, quem diximus modum, Austriacis, ordo postulat, ut consequenter iam praefatos Comites Habsburgios,